



Radio Rumantsch

Per trutgs e pitgognas

Proposta da Joachim Wasescha

Murmarera rempar - alp Pra Miež - alp da Starschagns - alp La Motta - Sur Ragn - Rosatsch - Beiva - Guet da Beiva - Murmarera vitg - rempar

Cun traversar il rempar dal lai ha ins ina bella vista sin la ruina dal chastè da Murmarera, situà lunsch sur il lai en in grip. Bainprest cumenza il trutg detg stip che maina sin l'alp Pramiez. Ussa ha ins pli u main gia cuntanschì l'atezza. Alu cuntinuesch'ins tras in bel gaud cun schembers e blers lareschs e suenter ch'ins ha traversà il vallun da Starschagns arriv'ins tar l'alp da medem num. Sut sasez il blau stgir dal lai e da l'auter maun la vista sin l'alp Flex, la val da Natons e l'imposanta chadaina da l'Err, cun il Calderas, la Tschema da Flex ed il Piz d'Agnel.

Ins passa l'alp La Motta, las aclas da Caschegna e Sur Ragn ed arriva a Beiva. Suenter in rinfrestg ed ina visita dal vitg chamin'ins sin la vart dretga da la val. Ina bella via maina tras il "Guet da Beiva" cun blers schembers enfin a Murmarera, il vitg nov ch'è vegnì bajegià suenter ch'ins aveva sutterrà Murmarera vegl en il lai. In trutg maina parallel cun il stradun enavos tar il rempar.

Lunghezza:	circa 14 km
Differenza d'atezza:	amunt ed aval mintgamai ca. 700 m
Temp da viandar:	4 ½ uras

Particularitads:

- ruina dal chastè dal 12avel tschientaner
- vista magnifica sin il lai da Murmarera, l'alp Flex e la val da Natons
- ritga flora da stad e las colurs intensivias d'atun
- vitg da Beiva cun las duas baselgias
- santeri a Murmarera
- rempar da terra dal lai (Erdschüttdamm)